



UNIVERSITÄTS-  
BIBLIOTHEK  
PADERBORN

**Vitæ Sanctorum Sacris per singulos anni dies  
Meditationibvs illustratæ**

**Paderbornæ, 1697**

S. Pantaleon M. 27. Julii.

---

[urn:nbn:de:hbz:466:1-62968](#)

(quod pejus est) usus es beneficiis ad contumeliam  
benefactoris : at memineris, quod accipiendis indignus  
est, qui de acceptis fuerit ingratus Bernard.

## S. PANTALEON M.

27. Julii.

*Omnis turba quarebat eum tangere,  
quia virtus de illo exibat & sanabat omnes. Luc. 6. v. 19.*

PANTALEON sive PANTALEEMON ( namq; hoc illi nomen morituro cœlum fecit ) adolescens medicinæ operam dedit. Sed compendium illi ad hanc artem rectius Hermolaus in Christi Schola ostendit , quando in hujus nomine latere panaceam edocuit. Experimentum à puero sumptum , quem vipera morsu enecarat. Hunc uno Christi nomine vitæ reddidit , & succedaneam victimam morti vipera dedit. Eadem medicinâ noctem oculis excoecari pepulit gemino miraculo , nam hoc tenebras etiam parentis animo discussit , fidemque fecit aspicere. Verum his recte videntibus , oculi ipsis medicis cœperunt dolere , cum æsculapium suum ad Christianos transisse viderent. Quin invidiæ excoecatus etiam Imperator Maximinia-

E

nus

nus in medicum cœpit furere, cùm paralysi afflictum in pedes erexit, quem in opem à sacrificulis vocatus Phæbus destituerat. Ferro igitur, & ignibus sævit, liquato oleo perfundit, ex equuleo suspendit, undis mergit, rotæ innectit, nequicquam ingeniosus in pœnas; cùm medici vulneribus medicinam Christus semper faceret, & diras omnes carnificum turbas averteret. Spiculator quoque ad primum ictum ferrum suum ceram esse, & collum martyris marmor deprehendit. Resectum denique caput lactis liquorem: & Oleaster ad quem vietus Martyr steterat, subitas frondes dare visus est. Voluit Herculem suum coronare. *Ex Metaphr.*

## M E D I T A T I O.

*Deus est medicus animarum*

1. **U**T Christus animæ nostræ morbos curet, nobiscum agit ut medicus cum ægrotis; primum jubet ut voluptatibus abstineamus, more medicorum, qui rejectis iis quæ palato arrident, diætam & amara præscribunt pharmaca. Unde fit repugnanti animo oblatam à Deo medicinam ad salutem animæ delibemus, amarulenta vero Pharmaca ad salutem corporis facilius exhaustiamus?

2. Aperienda vena, & amputanda sunt interdum membra ut æger relevetur, eandem prorsus curationem Deus adhibet peccatori. Novit pecuniam, quæ in

in mundo est, quod in corpore sanguis, causam esse morborum, vel propter excessum, vel propter præposterum usum; sanguis corrumpetur: morieris, nisi effuderis illum in pauperes, ut in terreno, sic in cœlesti commercio, leve detrimentum gradus est ad lucrum maximum. *Etsi aliqua amissisti vitæ gaudia, negotiatio est aliqua amittere, ut majora lucreris.* Tertull.

3. Hæc duo potissimum curant ex morbo convalescentes. Primum certam habent vivendi rationem: alterum, salubri duntaxat cibo vescuntur, Rogat uæ conscientiæ moderatorem, ut doceat te rectum vivendi modum, à quo nunquam nec transversum unguem discedas: Angelorum cibo frequentius utere hoc cibo nutrieris, & in Jesum mutaberis.

## S. NICETAS MART.

28. Julii.

*Sic pugno, non quasi aërem verberans.* I. Cor. 9.

**A**gyptius hic juvenis, à pugna heroica NICETÆ insignitus nomine, Angelus ob puritatem videri potuisset, nisi sanguis ejus, pro integritate conservanda, fusus, hominem probasset. Scivit hic, non nocere sensum, ubi non est consensus: quia tamen mori maluit, quam etiam innocens foedari, majore & acerbiore sensu, sensum periculoso